



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CCXXI. Statuta circa Abbates Titul. Congr. Montis Oliveti Ord. S. Benedicti.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

statu philosophicis Dominorum Lengrand, & Marchal &c. accedit Appendix ad causam professorum primariorum Collegii Regii. Item Mantissa continens Censuram in Epistolam scriptam ab Er. Domino Pierari Sac. Theologia Licentiato &c. Typis edita annis 1722. 1724. donec corrigatur.

Discours contre la persecution, Traduit de l'Anglois, Liege 1725.

Epistolica Dissertatio Scoti Thomistica super facti questione, utrum Doctor Angelicus revera docuerit pluribus in Locis B. Virginem fuisse immunem a peccato originali? Cui denuo accessit duplex dissertatio Dogmatica scilicet, & Historica circa B. Virginis Conceptionem. Stephani Chiesa labore concinnatum. Taurisii MDCCXXVI. Donec corrigatur.

Histoire des Chevaliers Hospitaliers de S. Jean de Jerusalem appelez depuis Chevaliers de Rhodes, & aujourd'hui Chevaliers de Malte. Par Monsieur l'Abbé de Vertot MDCCXXVI. T. 1. 2. 3. 4. & 5.

Joannis Gasparis Suicen Thesaurus Ecclesiasticus ex PP. Gravis ordine alphabetico concinnatus, Amstelodami MDCLXXXII.

Joannis Georgei Walchy Commentarium Concilii Lateranensis a Benedicto XIII. celebrati Anno 1725. Lipsie 1727.

Joannis Marini Oconensis Theologia speculativa, & Moralis, Venetiis 1720. Tomus Tertius.

Nouveau Voyage d'Italie, avec un memoire contenant des avis utiles à ceux qui voudront faire le même Voyage, par Monsieur Misson. Haye 1717.

Remarques sur divers endroits d'Italie par Monsieur Addison, pour servir au Voyage de Monsieur Misson, Paris 1722.

The spiritual Director for those who have never translated out of French Printed in the year. 1703. - hoc est - Spiritualis Director pro his, qui nullum habent, ex Gallico translatus.

Traité des Loix Civiles & Ecclesiastiques contre les Heretiques par les Papes, les Empereurs, les Rois, & les Conciles Generaux, & Provinciaux approuvez par l'Eglise de Rome, Liege 1725.

Triumphus Misericordie, idest Sacrum Ordinis Sanctissime Trinitatis Institutum redemptio Captivorum, cum adjuncto Calendario Ecclesiastico Historico universi Ordinis, Autore Joanne a Sancto Felice, Vienna Austriae 1704.

§. 3. Nemo itaque cujuscumque gradus, & conditionis predictos libros in posterum vel imprimat, vel legat, vel retineat, si quos interim habuerit Inquisitoribus, seu Locorum Ordinaris a presentis Decreti noticia tradat sub penis in Indice Librorum prohibitorum contentis.

§. 4. Quibus per me infrascriptum Secretarium Sanctissimo Domino nostro Benedicto Papa XIII. relatis, Sanctitas Sua Decretum Sacrae Congregationis approbavit, & executioni mandari iussit.

In quorum fidem manu, & sigillo Eminentissimi, & Reverendissimi Domini Cardinalis De Via Praefecti, praesens Decretum signatum, & munitum fuit Romae in Palatio Apostolico Vaticano die XVIII. Julii MDCCXXXIX.

Prohibitio praefectorum librorum.

Confirmatio relati Decreti.

CCXXI.

Confirmantur Decreta Capituli Generalis Congregationis Montis Oliveti Ordinis S. Benedicti circa Abbates Titulares.

De Abbatibus Titularibus dictae Congregationis vide Clem. XI. Const. ed. 1713. Apr. 12. P. 13.

Dat. 6. Sept. 1729. An. 6.

BENEDICTUS PAPA XIII.

Ad perpetuam rei memoriam.

Exordium.

EX injuncto Nobis divinitus pastoralis Officii debito illa, quae a Congregationibus Religiosorum Virorum Altissimi obsequii sub suavi vitae Monasticae jugo mancipatorum pro felici, proferoque earum in spiritualibus, & temporalibus

regimine, & gubernio provide facta esse noscuntur, ut firma semper, atque inviolabilia persistant, libenter cum id a Nobis petitur Apostolici muniminis nostri praesidio roboramus.

§. 1. Exponi siquidem Nobis nuper fecit dilectus filius Procurator Generalis Congregationis Montis Oliveti Ordinis S. Benedicti, quod cum tunc existens Abbas Generalis una cum Definitorio ejusdem Congregationis animadvertisset ex modo, & ratione vivendi nonnullorum Abbatum titularium d. Congregationis tam de numero, quam supra numerum diversos in eandem Congregationem sensim obrepere abusus, qui non minus in Regularis observantiae, & disciplinae relaxationem, ac detrimentum, quam in Monasteriorum ipsius Congregationis gravamen, & dispendium tendebant, contra dispositionem quarundam literarum se. re. Clementis PP. X. Praedecessoris nostri alias nempe die 27. Februarii 1671. editarum, quibus discrete cautum fuerat, quod ejusmodi Abbates Titulares nullam praerogativam, vel exemptionem, quae Monasteriis praefatis onerosa foret, praetendere valerent, atque in Ecclesia saltem diebus festivis Missae Conventuali, & Vesperis, ac diebus singulis mane orationi mentali interesse tenerentur, simulque istis abusus, & incommodis exinde dictae Congregationi provenientibus occurrendi, efficacique remedium adhibendi necessitatem agnovisset in Capitulo Generali ejusdem Congregationis novissime celebrato post rem diligenter, ac mature ibidem discussam, atque inhærendo tum praefati Clementis Praedecessoris literis, tum Constitutionibus dictae Congregationis per Sedem Apostolicam confirmatis quaedam circa eisdem Abbates Titulares Decreta, seu Ordinationes salubriter edita, & facta fuerunt.

§. 2. Ut scilicet in posterum ejusmodi Abbates Titulares praesentes, & futuri Abbati Locali in omnibus subjaceant, nec eis liceat nominatim a Monasterio, seu Domo egredi absque licentia, & benedictione ipsius Abbatis localis, quo tamen absente non teneantur se personaliter existere coram Vicario, aliisque Monasterii Officialibus, sed id facere, ac supplere possint per Socium, seu Conversum sibi destinatum, qui singulis vicibus tam egressus, quam reditus ad Monasterium, seu Domum, se coram illis omnino representare debent, Choro sicuti alii Monachi assistant, ac praesertim intersint orationi mentali quolibet mane, Missae Conventuali, ac Vesperis canendis saltem diebus festivis ad praescriptum supradictarum Clementis Praedecessoris literarum, necnon etiam Missis absque cantu celebrandis, prout Superior localis injunxerit, & ordinaverit, excepto dumtaxat casu infirmitatis, aut alicujus particularis necessitatis per eundem Superiorem localem recognoscendae intervenire debeant in Refectorio primariae cum aliis Monachis, Vestiarium eis subministrandum, illud Vicarii Monasterii hujusmodi pro tempore non excedat, neque ipsis licitum sit quaecumque personam, quae illis inserviat, etsi Monasterio nullatenus oneri foret ad sui libitum eligere, sed contenti sint servitio personae, quae eis a Superiore locali praefato assignabitur a familia Monasterii ejusdem Superioris localis arbitrio, & sine publici servitii detrimento assumentur. Occasione visitationum simul cum aliis Religiosis intervenire debeant publicae receptioni Visitationum, ad fores Ecclesiae fieri solitae, necnon in Capitulo intimationi ejusmodi Visitationum, quibus etiam subjecti existant, huicque Ordinationi Visitatores secluso insistant, sua ad hoc, si opus fuerit, utendo auctoritate: onerata pro enarratorum Decretorum executione, & implemento ipsorum Abbatum Titularium, ac Superiorum Localium conscientia.

Causa eadem hujusmodi decreti, nempe abusus quidam Abbatum Titularium.

Decreta praedicti Capituli Generalis, ad praedictos abusus tollendos.

1729.
Preces Pro-
curatoris
Gen. pro
confirmatio-
ne.

§. 3. Cum autem sicut eadem expositio sub-
jungebat, prædictus Procurator Generalis præ-
missa, utpote, quæ in Divini cultus augmen-
tum, ac ejusdem Congregationis utilitatem, &
levamen cedere dignoscuntur, quo solidius sub-
sistant, & ferventur exactius, Apostolica Con-
firmationis nostræ patrocínio communiri pluri-
mum desideret. Nos ipsum Procuratorem Ge-
neralem specialibus favoribus, & gratis profes-
qui volentes, & a quibusvis excommunicationis,
suspensionis, & Interdicti, aliisque Ecclesiasticis
sententiis, censuris, & pœnis a Jure, vel
ab homine quavis occasione, vel causa latis, si
quibus quomodolibet innodatus exiit ad effe-
ctum præsentium dumtaxat consequendum har-
rum serie absolventes, & absolutum fore cen-
sentes, hujusmodi supplicationibus inclinati, &
attenta relatione dilecti filii nostri Nicolai S. R.
E. Presbyteri Cardinalis Spinulæ nuncupati dictæ
Congregationis apud Nos, & Sedem Apostoli-
cam Protectoris Nobis super præmissis facta, om-
nia, & singula Decreta supradicta, seu Ordina-
tiones in memorato Capitulo Generali edita, sicut
præmittitur, auctoritate Apostolica tenore
præsentium confirmamus, & approbamus, il-
lisque inviolabilis Apostolicæ firmitatis robor ad-
jicimus, ac omnes, & singulos Juris, & facti
defectus, si qui desuper quomodolibet interve-
nerint supplemus, necnon illa exacte, & incon-
cussè observari, & adimpleri sub pœnis quoad
ipsos Abbates Titulares privationis suorum pri-
vilegiorum, vocisque activæ, & passivæ ipso fa-
cto incurrendis, quo vero ad Abbates, seu Su-
periores locales, qui in eis debite executioni
demandandis, & servari faciendis negligentes,
ac culpabiles fuerint Definitorii Generalis, vel
Superiorum Generalium d. Congregationis arbi-
trio pro modo culpæ infligendis auctoritate, &
tenore prædictis præcipimus, & mandamus.

§. 4. Decernentes ipsas præsentis literas sem-
per firmas, validas, & efficaces existere, & fore,
suosque plenarios, & integros effectus sorti-
ri, & obtinere, ac illis ad quos spectat, & pro
tempore quomodolibet spectabit in omnibus,
& per omnia plenissime suffragari. Sicque, & non
aliter in præmissis per quoscumque Judices Or-
dinarios, & delegatos, etiam Causarum Pala-
tium Apostolici Auditores judicari, & definiti de-
bere; ac irritum, & inane si secus super his a
quoquam quavis auctoritate scienter, vel igno-
rante contigerit attentari. Non obstantibus
Constitutionibus, & Ordinationibus Apostolicis,
necnon quatenus opus sit, Congregationis Or-
dinis, & Monasteriorum prædictorum, aliisque
quibusvis etiam Juramento, confirmatione Apo-
stolica, aut quavis firmitate alia roboratis, sta-
tutis, & consuetudinibus; privilegiis quoque,
Indultis, & literis Apostolicis in contrarium
præmissorum quomodolibet concessis, confir-
matis, & innovatis. Quibus omnibus, & sin-
gulis, illorum tenores præsentibus pro plene,
& sufficienter expressis, ac ad verbum insertis
habentes illis alias in suo robore permanfuris,
ad præmissorum effectum hac vice dumtaxat,
specialiter, & expresse derogamus, cæterisque
contrariis quibuscumque.

Datum Romæ apud Sanctum Petrum sub an-
nulo Piscatoris die VI. Septemb. MDCCXXXIX.
Pontificatus nostri Anno Sexto.

CCXXII.

Erigitur Primaria Congregatio vulgo nuncupat.
la Buona Morte in Ecclesia Domus Professæ
Soc. Jesu, cum Indulgentiis per modum suf-
fragii applicandis.

*Alia hujus Constit. ed. 1727. Apr. 1. P. 3. erecta
fuit Archiepiscopatus Concept. B. M. V. in
Ecclesia de Araceli de Urbe.*

BENEDICTUS EPISCOPUS

*Servus Servorum Dei. Ad perpetuam rei
memoriam.*

Redemptoris nostri Jesu Christi pro salute
humani Generis in ara Crucis immolati
vices, licet immeriti gerentes in terris, dum
attendimus ad uberes fructus, quos ubique
terrarum in Militanti Ecclesia Venerabilis So-
cietas JESU verbo, doctrina, & exemplis
in dies copiosius affert, ad illam peculiarem
curam prospicimus, qua Christifideles pretio-
so tanti Holocausti Sanguine redemptos, ex
hujusmodi memoria ad pia, & salutaria ope-
ra ferventer excitat; Apostolici muneris no-
stri esse reputamus, spiritualium largitionum
abundantiam desuper effundere, ut ipsorum
fidelium sanctis hujusmodi operibus vacantium
Religio, & devotio continuum suscipiat incre-
mentum, hisque votiva salus proveniat ani-
marum.

§. 1. Exhibita siquidem Nobis nuper pro
parte dilecti Filii Michaelis Angeli Tambur-
rini moderni Præpositi Generalis Societatis JE-
SU petitio continebat, quod a septuaginta
annis, & ultra in Ecclesia Domus Professæ
ejusdem Societatis JESU de Urbe feria sexta
(alias non impedita) cujuslibet hebdomadæ,
inibi vespere Sanctissimum Eucharistiæ Sacra-
mentum publicæ venerationi exponitur duo ex
Presbyteris Regularibus d. Societatis ad infra-
scripta specialiter deputati piæ Fidelium con-
templationi acerbissima mortis Domini Nostri
Jesu Christi in Cruce pendentis, ejusque Ge-
nitricis B. Mariæ Virginis ad Crucem adstan-
tis dolorum, & lacrymarum monumenta va-
riis colloquiis, precumque recitationibus de-
votè respective repræsentant, ac verbum Dei
salubres ad bene moriendum meditationes ex-
citando in virtute etiam respective edocent,
unde nonnulli Christifideles piorum, & sa-
lutarium operum hujusmodi Instituto moti se
invicem in dicta Ecclesia congregari cœper-
ant, & circa præmissa vacantes abinde ci-
tra Christifidelium Congregatio sub titulo, &
denominatione Domini Nostri Jesu Christi in
Cruce moribundi, ac Beatissimæ Virginis Ma-
riæ ejus Genitricis dolorosæ *della Buona Mor-
te* nuncupari cœpit, & nuncupatur ad præ-
sens; eidemque Congregationi quædam prop-
terea Indulgentia etiam per modum suffra-
gii applicanda cum nonnullis relaxationibus
a fel. rec. Alexandro Papa VII. Prædecessore
nostro sub certis modo, & forma tunc ex-
pressis successive concessa fuit prout in literis
Apostolicis ejusdem Alexandri Prædecessoris in
forma Brevis sub Annulo Piscatoris desuper
sub dat. Romæ apud Sanctam Mariam Major-
em die vigesima prima Mensis Augusti anni
Domini millesimi sexcentissimi quinquagesimi
quinti, Pontificatus præfati Alexandri Præ-
decessoris Anno primo expeditis plenius con-
tinetur.

§. 2. Cum autem, sicut eadem petitio sub-
jungebat in diversis mundi partibus, & præ-
sertim insignibus Europæ Civitatibus dictæ So-
cietatis Domus professæ, Collegia, & Resi-
dentia respective fundata existant, & in eo-
rum respective Ecclesiis (ut plurimum diebus
Dominicis) similiter non impeditis, dum in
eis Sanctissimum Eucharistiæ Sacramentum pu-
blicæ venerationi exponitur, uno ex Pres-
byteris Regularibus dictæ Societatis præmissa,
ut præfertur, repræsentante, edocente, In-
stitutum hujusmodi ad Dei gloriam, ac pu-
blicam salutem, & spirituales consolationes
nem, cum multiplici fructu exinde prove-

Dat. 23. Sept.
1729. An. 6.Procemium
cum causa in-
dulgentiæ in-
scriptum.Primordia
Congrega-
tionis Bonæ
Mortis.Institutum
Bonæ Mortis
in Ecclesiis
Societatis
ubique terra-
rum exercetur.

niente